



Broj predmeta: 13-001077/21
Broj akta: 01.1-1413EK-0018/21
Datum, 10.9.2021.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (2) tačka c) Zakona o javnim nabavkama («Službeni glasnik BiH», broj 39/14), Izmjene Zapisnika o pregledu i ocjeni ponuda sa preporukom komisije za javne nabavke broj:13-001077/21 od 8.9.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak za nabavku šumskih sadnica za pošumljavanje parcela u privatnom vlasništvu za potrebe Odjeljenja za poljoprivredu, šumarstvo i vodoprivredu Vlade Brčko distrikta BiH, koji je pokrenut na osnovu Odluke o pokretanju postupka javne nabavke broj: 13-001077/21 od 19.5.2021. godine, Obavještenja o nabavci na portalu javnih nabavki broj: 1157-1-1-274-3-291/21 od 14.6.2021. godine, iz razloga što nijedna od primljenih ponuda nije prihvatljiva, što prema čl. 69. stav (2), tačka c) Zakona o javnim nabavkama predstavlja osnov za poništenje postupka javne nabavke.

Član 2

Odluka o izboru najpovoljnijeg ponuđača broj: 13-001077/21, broj akta:01.1-1413EK-0011/21 od 19.7.2021. godine se stavlja van snage.

Obrazloženje

U provedenom postupku nabavke je donesena odluka o izboru najpovoljnijeg ponuđača koji je bio jedini ponuđač u postupku nabavke. Ponuđač je bio obavezan da u roku od sedam dana, a u skladu sa članom 45. stav (2) Zakona o javnim nabavkama, dostavi dokumenta kojim će potvrditi kvalifikovanost u postupku nabavke. Ponuđač je dana 2.8.2021. godine dostavio kvalifikacionu dokumentaciju u kojoj se, između ostalog, nalazi i Uvjerenje Fonda PIO Republike Srpske od 22.7.2021. godine u kojem je navedeno da uplatilac doprinosa po osnovu doprinosa za penzijsko i invalidsko osiguranje izmirio obaveze sa danom 30.4.2021. godine. Iz dostavljenog uvjerenja zaključuje se da je na dan 22.7.2021. godine, odabrani ponuđač u kašnjenju sa izmirivanjem obaveza prema Fondu PIO Republike Srpske za mjesec maj 2021. godine i mjesec jun 2021. godine. I Uvjerenje Fonda zdravstvenog osiguranja Brčko distrikta BiH je identično navedenom uvjerenju i nije u skladu sa članom 45. stav (2) tačka c) Zakona o javnim nabavkama. Odabrani ponuđač je dostavio dopunu kvalifikacione dokumentacije u kojoj je dostavio Uvjerenje Fonda PIO RS, u kojem je navedeno da je ponuđač po osnovu doprinosa za penzijsko i invalidsko osiguranje izmirio obaveze sa danom 31.5.2021. godine iz kojeg se vidi da je u kašnjenju sa izmirivanjem obaveza prema Fondu PIO RS za mjesec jun 2021. godine i mjesec jul 2021. godine. Isti podaci su navedeni i u Uvjerenju Fonda

zdravstvenog osiguranja tako da uvjerenja nisu u skladu sa članom 45 stav (2) tačka c) Zakona o javnim nabavkama. Ponuđač je ocijenjen nekvalifikovanim i ponuda neprihvatljivom i s obzirom da je bio jedini ponuđač u postupku nabavke, Komisija za nabavke je dostavila preporuku o poništenju postupka nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Odjeljenu za poljoprivredu, šumarstvo i vodoprivredu
3. Gradonačelniku,
4. Zamjeniku gradonačelnika,
5. Ponuđaču
6. Službenom glasniku Brčko distrikta BiH“
7. Arhivi.

